



PARLEMU CORSU

Auteurs : I Fratelli Vincenti

G⁺ capo 2

À tè chì discorr'in francese
À tempu sbarcadu in paese,
A dicu senza pensà male
Ancu tù scendi di l'Acquale.
Hè cume l'acqua di surgente
Chì corre nant'u scogliu ardente
A lingua ch'elli anu lasciatu
Quelli ch'ùn anu spaisatu ;

PARLEMU CORSU IN CASA NOSTRA
SIMU ABBASTANZA PRIVI FORA
PARLEMU CORSU IN CASA NOSTRA
DUMANE CI PO TRIGÀ L'ORA

A vogliu sempre per amica
A nostra piazza è ch'ella dica
Quandu sì ghjuntu è cume stai ?
È ci sì forse per assai ?

Per un pezzettu ci campemu :

"O Larè, fà un suppu u scemu !"

E cocca, cocca scacaneghje

Avà si po cumincià à beie !

PARLEMU CORSU IN CASA NOSTRA

SIMU ABBASTANZA PRIVI FORA

PARLEMU CORSU IN CASA NOSTRA

DUMANE CI PO TRIGÀ L'ORA

Dopu a siesta simu a Brisca

Fora di marcà chì rivista!

È Paulone dice; "Soffia !"

Avà li mettimu a coppia !"

U nostru corsu sciacchitteghje

Cum'a castagna di e veghje

È s'ellu fale di Niolu

U francese u si piglia in collu

BIS

PARLEMU CORSU IN CASA NOSTRA

SIMU ABBASTANZA PRIVI FORA

PARLEMU CORSU IN CASA NOSTRA

DUMANE CI PO TRIGÀ L'ORA